

الرشاد

سرا ۱۳۳۰

اتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در

صاحب و مدير مسئول : ح . اشرف اديب

جلد ۱ - ۸

۲۲ جمادی الاول ۱۳۳۰ پنجشنبه ۲۶ تيسان ۱۳۲۸

عدد ۱۰ - ۱۹۲

اوزینه رسماً (بك) لك و اعلان استقلالی متعاقبده (خان) لق
عنوانی آلدیغنی، بالاخره ییلدیریم بایزید خانه مصرده کی خلیفه عباسی
طرفندن (سلطان اقلیم روم) لقبك ویریلدیكنی و سلطان سلیم اولك
نازل خلافت اولونجه (خلیفه) عنوانیه تجیل قیلیندیغنی تخطر ایتدم.
واقعا خلیفه مشارالیهدن صوگرا كلن و عنوان دینلری خلیفه
اولوب عنوان سیاسیلری (سلطان) و (پادشاه) بولونان عثمانلی
حکمدارلرینك (سلطان البرین و خاقان البحرین) کبی تعییرات تشریفیه
ایله توصیف اولوندقلرینی خاطر لادم ایسهده (تورك خاقانی) عنوانی
آلمش بر عثمانلی پادشاهی بیله مه دیکم جهته ذات شوکتسمات شهر یاری
ایچین (تورك خاقانی) دنیلمه سنك حکمتنی ادراك ایله مه دم . عجباً
بو ترکیك معناسی عثمانلی تورك لرینك می، یوقسه بالعموم تورك عنصرینك می
حکمداری دیمکدر ؟

• شق اوله کوره ایکی اولی برکویده بیله معلوم و متعارف اولان
پادشاه لفظ محترمه نسبة - اصلاً چینجه اولوب خالص تورکجه
اولمایان - خاقان که سنك غرابندن صرف نظر ایدلدیکی حالده (تورك
خاقانی) اولان جناب شوکتسما ، تورك اولمایان مسلم و غیر مسلم
تبعه عثمانیه نك ده خاقانی دکلی ؟

شق ثانی به نظراً ایسه خیال پرورانه برقصیده جیلک اولغله برابر
سیاسی محذورلری بادی اولماز، از جمله شمالی دوستمزی خوبلان دیرماز
و خودراندیرمازی ؟

أوت . خلافتنا اقدیمز ؛ بالعموم تورك لرک ده، بالجملة عرب لرک ده،
حتی تکمیل اقوام و افراد اسلامی نك ده امیر و امامیدر . لکن بو ؛
سیاسة دکل ، دینا در . سلطنة دکل ، خلافة در .

براز دقت ایدیلسه و قومیت غیر تنده آزیحق انصاف کویسته ریلسه ده
(تورك خاقانك) دنیلجه جکنه « بیغمبر مترك و کیلی بولونان پادشاه مترك »
ده نیورسه عجباً اولکندن ده جمعیتی اولماز و در تیوز میلیون مسلمانك
قلوب متحده سنه هیجان شکران کتیر مزمی ؟

عصیت قومیه غیر تکشلی بیلمه لیدر لکه امت عثمانیه نك چاره
فلاحی : مسلم اولان لرینك مسلمانلق ، غیر مسلم بولونان لرینك ده عثمانلیلق
نقطه سنده اتحاد و اتفاقده در .

طاهر المولوی

صنعت خط

- خطوط اسلامیة منتسبانندن خالد بك افندی به -

صنعت خط ، صنایع نفیسه اسلامیة نك بر شعبه مهمه سیدر . بو
بدیع صنعتك منشأیله واضع و موجد لرینه و ایجاد و ابداع ایتدکری
خطوط متنوعه نك اسم لر یله اطوار و دقایقه دائر خطاطین عثمانیه دن
(عالی) افدینك (مناقب هنروران) (توقادی احمد درویش افدینك)
(عرائس الخط) (نفس زاده ابراهیم) افدینك (کلزار صواب)

عرب لر کتب یونانیه نك الك مشهور لرینی لغت لرینه ترجمه ایتمه کباشلا دیلر ؛
حتی دین نقطه نظرندن اعتقاد عامه یه مضرتی اولان برطاقم قصائدی
بیله علمانك مطلع اولدیغنی سریانی لغته ترجمه ایتدیلر . «

بو صورتله مسلمانلر علومك كافة شعبانده استاذ كل اولمشلردی
چونکه قرآن کریم بونلر ایچون بر ساحة جولان ایدی هر ایتدک لرینی
آنده بولور لردی . اورویا علماسنك کشفنه هنوز موفق اولدقلری
بر جوق حقیقتلری قرآن خبر ویریوردی . بناء علیه اسلاملر قدرت
فاطره نك بخشش ایتمش اولدیغنی بو نیش صحرا ده جولان ایدره ك
دنیا نك هر طرفه مدنیت تخمین سریدیلر . شوخالده « اسلامیت مدنیتله
قابل تألیف دکلدر ... ! » دیمکه وجدان نصل راضی اولور ؟

افسکیلی

احمد حمدی

.....

« تورك خاقانك تخته چیقدیغنی کون ... »

شو سر لوحه یی ۱۳ نومرولو « تورك یوردی » رساله سنده
او قودیم وقت بردن بره نه دیمك ایسته نیلدیکنی - عثمانلیجه ایله متکلم
مادر زاد بر استانبوللو اولدیغ حالده - اکلا یامادم . صوگرا ، آلت
طرفنده « نیسانك ۱۴ نجی کونی ... » عباره سنی کورونجه جلوس
هایون یوم مسعودندن بحث اولوندیغنه انتقال ایتدم .

یازیلر مترك صرف تورکجه اولاجق دییه بویله آکلا شیلماز
و چتره فیل بر شیوه آؤب کیمه سنه تأسف ایدوب طورورکن (و فیک
پاشا) مرحومك (لهجه عثمانی) سنی آچوب (خاقان) که سنه بافق
خاطر مه کلدی . باقدم . پاشا مرحوم ، او که ایچین شو ایضاحاتی ویرمش :
« خاقان اس . چینیده هوهانك : پادشاه و شاهنشاه معناسنه اولغله ترك
و تاتار و مغول خانلری چین ایمپراطور لرینه غلبه ایدوب مستقل اولدقجه
بو عنوانی قوللانمش و خاقان دیو تحریف ایتمشلردر . کا صرحه عبده
بیضاوی . (قآن) بونك تحریفله تعریبدر . ترك و تاتار ك اولوسلری
خانلرندن صاحب خروج اولان لر بیتون خاقان تلقب ایتمشدر . دفتر خاقانی ،
دیوان خاقانی ، نشان خاقانی ، خاقان چین . « (قآن) که سی ایچین ده
« برهان قاطع ترجمه سی » شو معلوماتی یازمش : « قآن : همزه ایله
چین پادشاه لرینه مخصوص علمدر . قیصر روم و شاه ایران کی . »
برده (خان) که سی حقه ده تبعاتده بولوندم . لهجه عثمانیده
« خان اس . چینده خانغ وانغ اونغ : ملك معناسنه اولغله تاتاردن
اول چینه مستولی اولان اتراك ملوکی اول عنوانی طاقمش و هر
اولوس بیوکنه خان دینمشدر » شرحنی کوردم .

بوندن صوگرا - نابینتیه مقتخر بولندیغمز - دولت عثمانیه
حکمدار لرینك عنوانلری آراسنده (تورك خاقانی) تعیری اولوب
اولمادیغنی دوشوندم . مؤسس دولت عثمان غازی حضر ت لرینك ، قونیه
پادشاهندن علامت امارت اولمق اوزره کونده ریلن طبل و علم